



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422
fax. +387 33 726 423
e – mail: info@voda.ba

Broj: **UP-1/21-3-40-530-4/25**

Datum: **05.02.2026. godine**

„Agencija za vodno područje rijeke Save“ Sarajevo rješavajući po zahtjevu korisnika „Domažić“ d.o.o. Gradačac, za izdavanje vodne dozvole za zahvat vode sa izvorišta „Domažić“ a u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području naselja Srnice Donje, Srnice Gornje i Vučkovci, grad Gradačac, na osnovu člana 139. stav (1) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola podnosiocu zahtjeva „Domažić“ d.o.o. Gradačac, za zahvatanje vode sa izvorišta „Domažić“ u količini od cca $Q = 16,00$ l/s, a u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području naselja Srnice Donje, Srnice Gornje i Vučkovci, grad Gradačac.
2. Vodna dozvola se daje na osnovu dostavljene dokumentacije, izvršenog uviđaja na objektima, utvrđenog činjeničnog stanja i uz sljedeće uslove:
 - 2.1. Da korisnik predmetnih vodozahvatnih objekata iste održava u funkcionalnom stanju i koristi u skladu sa njihovom prirodom i namjenom, te u skladu sa uslovima iz ove vodne dozvole.
 - 2.2. Da korisnik vodocrpilišta u cilju kontrole, evidencije i plaćanja količina zahvaćene vode vrši mjerenje iste a što se u ovom trenutku obezbjeđuje putem mjerača protoka-vodomjera: proizvođač: ACTARIS, Tip:WOLTEX WEG 200, DN 200, serijski broj D07NL126706 G. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
 - 2.3. Da obezbijedi tehničku ispravnost ugrađenih mjernih uređaja za evidentiranje zahvaćenih količina vode, opreme na postrojenju za kloriranje kao i na objektima transportnog sistema (pumpe, vodomjeri, zatvarači itd.), odnosno da redovno vrši baždarenje mjerača protoka u skladu sa propisima o mjernim uređajima.
 - 2.4. Da se uredno vodi dnevnik rada u koji će se unositi podaci o postupku tretmana vode i potrošnji svih hemikalija.
 - 2.5. Korisnik je dužan vršiti redovnu kontrolu uskladištenih hemikalija i obezbijediti takve uslove koji će spriječiti zagađenje površinskih i podzemnih voda uskladištenim materijama, odnosno, obezbijediti moguće isticanje hlora i drugih komponenti iz objekta. Takođe je dužan obezbijediti adekvatan apsorber za prikupljanje hemikalija u slučaju incidentnog izlivanja.
 - 2.6. Da korisnik osigura stalni i sistemski pregled vode i preduzme mjere za osiguranje zdravstveno ispravne vode za piće, u skladu sa Pravilnikom o zdravstvenoj ispravnosti vode za piće ("Službeni glasnik BiH", 40/10, 43/10, 30/12 i 62/17).
 - 2.7. Da kontrolu ispitivanja kvaliteta vode za potrebe vodosnabdijevanja vodom za piće mogu vršiti ovlaštene laboratorije, u skladu sa članom 48 stav 3. Zakona o vodama.
 - 2.8. Da se, ukoliko se prilikom redovnih ili vanrednih analiza i kontrola kvaliteta vode iz ovog vodovodnog sistema utvrdi da ista ne zadovoljava uvjete vode za piće propisane Pravilnikom o zdravstvenoj ispravnosti vode za piće, vodovodni sistem treba isključiti iz upotrebe odnosno blagovremeno, na adekvatan način, obavijestiti krajnje potrošače da voda nije za piće.
 - 2.9. Da se stalno provode mjere o zaštiti izvorišta po Odluci o zonama sanitarne zaštite izvorišta „Domažić“ Grad Gradačac, broj: 02/1-21-7813/21 od 07.04.2021. godine koja je donesena od strane Vlade Tuzlanskog kantona.

- 2.10. U cilju najstrože kontrole prostora na kome su smješteni vodozahvatni objekti-bunari, skladišni i prateći objekti potrebno je na odgovarajući način obilježiti upozorenjem o zabrani neovlaštenog pristupa. Ogradu i ograđeni prostor oko izvorišta „Domažić“ potrebno je održavati što znači da je ovaj prostor potrebno kositi, uklanjati samoniklo šiblje i grmlje i isti obezbijediti i drugim mjerama fizičke zaštite i osiguranja, a što prvenstveno uključuje službu fizičkog obezbjeđenja na izvorištu (povremeni obilazak ili stalna posada), te alarm i druge mjere zaštite, ukoliko se to ocijeni potrebnim.
- 2.11. Korisnik je dužan da u roku trajanja ove vodne dozvole, u skladu sa važećom legislativom pokrene inicijativu za dobivanje upotrebne dozvole izgrađenih vodozahvatnih objekata, kao dijela cjelokupnog sistema vodosnabdijevanja.
3. Ukoliko radom predmetnog objekta dođe do promjene režima voda, a te promjene prouzrokuju štete ma kakvog karaktera, korisnik je dužan uzroke štete otkloniti, a nastale štete nadoknaditi.
4. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
5. Prava stečena po ovoj vodnoj dozvoli ne mogu se prenositi na treća lica, a ista se mogu izmijeniti u zakonom propisanim slučajevima.
6. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od pet (5) godina od pravosnažnosti ovog rješenja.
7. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
8. Za izgradnju novog ili rekonstrukciju ili uklanjanje postojećih objekata te promjenu uslova zahvatanja vode, ako bi se time uticalo na promjenu kvaliteta i kvantiteta voda, odnosno, ako se time mogu trajno, povremeno ili privremeno prouzrokovati promjene u režimu voda, korisnik predmetnih objekata je dužan pribaviti vodne akte (prethodnu vodnu saglasnost, vodnu saglasnost i vodnu dozvolu).
9. Ovo Rješenje o vodnoj dozvoli može se izmijeniti ukoliko nastupe okolnosti iz člana 130. stav (1) Zakona o vodama.

Obrazloženje

„Domažić“ d.o.o. Gradačac, zahtjevom broj: 82-D/25 od 18.12.2025. godine koji je zaprimljen na protokolu Agencije od 19.12.2025. godine, obratio se zahtjevom za izdavanje Rješenja o vodnoj dozvoli za zahvat vode sa izvorišta „Domažić“ u količini od cca $Q = 16,00$ l/s, a u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području naselja Srnice Donje, Srnice Gornje i Vučkovci, grad Gradačac

Uz zahtjev dostavljena je sljedeća dokumentacija:

A - Opšta dokumentacija:

- Rješenje o izmjenama podataka, broj:032-0-Reg-18-001200 od 15.08.2018. godine izdat od strane Općinskog suda u Tuzli – ovjerena kopija,
- Uvjerenje o registraciji poreznog obveznika od 29.08.2018. godine izdato od strane Kantonalni porezni ured Tuzla – ovjerena kopija,
- Ovjernica/Uvjerenje broj:20/158/23 od 29.05.2023. godine izdata od strane Zavoda za mjeriteljstvo - kopija,
- Ugovor o koncesiji, broj:04/1-13-25-2631/15 od 20.05.2019. godine potpisan sa Ministarstvom poljoprivrede, šumarstva i vodoprivrede Tuzlanskog kantona – kopija,
- Rješenje o vodnoj dozvoli, broj:UP-I/25-3-40-525-5/20 od 22.12.2020. godine izdato od strane Agencije za vodno područje rijeke Save, Sarajevo – kopija,
- Izveštaji o rezultatima ispitivanja, broj:3224, 1818, iz 2025. godine urađeni od strane Zavoda za javno zdravstvo Tuzlanskog kantona – kopije,

- Odluka o zonama sanitarne zaštite izvorišta „Domažić“ Grad Gradačac, broj:02/1-21-7813/21 od 07.04.2021. godine donesena od strane Vlade Tuzlanskog kantona – kopija,
- Dokaz o uplaćenju upravnoj pristojbi i administrativnoj taksi

B - Tehnička dokumentacija:

- Pravilnik o održavanju, korištenju i osmatranju objekata vodovodnog sistema „Domažić“ donesen od strane Skupštine „Domažić“ d.o.o. Gradačac dana 11.12.2020. godine – kopija,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22), izvršen je uviđaj na terenu i tom prilikom sačinjen Zapisnik broj:UP-1/21-3-40-530-2/25 od 29.01.2026. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

➤ Izvorište „Domažić“ se nalazi u naselju Hrgovi Donji, grad Gradačac na zemljištu označenom kao k.č. broj:1004 K.O. Hrgovi Donji, grad Gradačac. Vodocrpilište je formirano 1975. godine. Vodosnabdijevanje (cca 5000 stanovnika tj. cca 1300 domaćinstava) naselja Vučkovci, Srnice Donje i Srnice Gornje se vrši iz dva vodozahvatna objekta-bunara koji su smješteni u zidanom objektu dimenzija cca 6,0x4,0 m. Crpljenje vode iz bunara se vrši u naizmjeničnom radu. Ukupno zahvaćena količina vode iznosi cca 15-16 l/s.

➤ Kontinuirano praćenje ispravnosti vode za piće iz predmetnih vodozahvatnih objekata radi Zavod za javno zdravstvo Tuzlanskog kantona, po ugovoru. Analize vode pokazuju njenu fizičko-hemijsku i mikrobiološku ispravnost.

➤ Hlorisanje vode vrši se poluautomatskim hlorisanjem (koristi se kapavac). Hlor se po potrebi donosi i dozira u hlorinator i isti se ne skladišti u kućici.

➤ Crpljena količina vode se tlačnim cjevovodom promjera \varnothing 200 mm transportuje do rezervoara Ormanica zapremine $V=100 \text{ m}^3$ i dalje prirodnim padom transportuje do potrošača u naseljima: Vučkovci, Srnice Donje, Srnice Gornje.

U prethodnom periodu (važnja Rješenja o vodnoj dozvoli) pravno lice nije vršilo rekonstrukciju ili uklanjanje postojećih objekata i postrojenja, nije vršilo promjenu uslova zahvatanja vode u zoni vodozahvata.

U skladu sa zahtjevima iz Rješenja o vodnoj dozvoli, broj: , broj:UP-I/25-3-40-525-5/20 od 22.12.2020. godine podnosilac zahtjeva:

- vrši mjerenje zahvaćenih količina vode i o tome vodi evidenciju na propisanim obrascima, te podatke o tim mjerenjima unosi u propisane mjesečne izvještaje i iste redovno dostavlja Agenciji,
- vrši stalni i sistematski pregled vode od strane ovlaštene laboratorije,
- vrši stalnu dezinfekciju vode hlorisanjem kao i kontrolu rezidualnog hlora u mreži u skladu sa Pravilnikom o zdravstvenoj ispravnosti vode za piće,
- ograda oko bunara je ponovo izgrađena, ograđeni prostor uredno održavaju i isti je pod ključem i video nadzorom,
- na mjestu izlaza vode iz rezervoara „Ormanica“ ugrađen je vodomjer, tip: Actaris serijski broj: D07NL126706 G, ugradnja istog na samim vodozahvatnim objektima nije bila moguća iz tehničkih razloga,

- Od strane Vlade Tuzlanskog kantona donesena je Odluka o zaštiti izvorišta „Domažić, Gradačac.

- Pravno lice je sa Ministarstvom poljoprivrede, šumarstva i vodoprivrede Tuzlanskog kantona potpisalo Ugovor o koncesiji, broj: 04/1-13-25-2631/15 od 20.05.2019. godine.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata „Domažić“ d.o.o. Gradačac, ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64., 66., i 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata. Konstatuje se da je podnosilac zahtjeva „Domažić“ d.o.o. Gradačac, ispunio minimum uslova za izdavanje vodne dozvole za zahvat vode sa izvorišta „Domažić“ u količini od cca $Q=16,00 \text{ l/s}$, a u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području

naselja Srnice Donje, Srnice Gornje i Vučkovci, grad Gradačac, te je riješeno kao u dispozitivu ovog rješenja.

Podnositelj zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 6/98, 8/00, 45/10 i 43/13).


Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

mr. sci. Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- „Domažić“ d.o.o. Gradačac, Dućani br. 1, Vučkovci, 76250 Gradačac,
- AVP-ISV-Vodna knjiga,
- Sektor 50,
- Sektor 40, arhiva,
- oglasna ploča – AVP Sava